



**Fakta
nombor**

**RM400
MODAL**

Membuka Perfectto Coffee

2 TAHUN

Pengalaman menjadi
barista

Adee Nadia Deelaila merancang melebarkan sayap perniagaannya.

Berniaga mematangkan diri

**Oleh Nurul
'Aniqah Sazale**
bhvarsiti@bh.com.my

► **Serdang**

Usia muda bukan penghalang untuk mahasiswa Universiti Putra Malaysia (UPM), Adee Nadia Deelaila

Ngadiman, 22, memiliki perniagaan sendiri dengan modal permulaan hanya RM400.

Berbekalkan sikap berani menghadapi risiko dan semangat tinggi mencari duit poket tanpa bergantung kepada bantuan ibu bapa, beliau nekad mengusahakan kiosk minuman dikenali sebagai Perfectto Coffee sejak pertengahan tahun lalu.

Keadaan ekonomi tidak menentu turut menguatkan lagi tekad pelajar Ijazah Bachelor Sastera Bahasa Inggeris (Linguistik) itu kerana memahami kedudukan kewangan keluarga.

Lebih berdikari

Seperka menarik, langkah itu banyak dibantu pengalaman beliau bekerja selama dua tahun sebagai pembancuh kopi profesional

atau barista dalam industri sebelum ini.

"Setakat ini, saya tidak berdepan masalah belajar dan berniaga pada masa sama. Sekurangnya pengalaman ditimba mendidik saya lebih berdikari.

Tambah kios

"Walaupun jauh menyimpang daripada bidang pengajian diikuti, saya dapat mempelajari banyak perkara baharu yang mematangkan diri," katanya.

Adee Nadia Deelaila yang juga penggemar kopi, bersyukur operasi Perfectto Coffee di Kompleks Akademik UPM mendapat sambutan menggalakkan, terutama daripada warga kampus. "Pendapatan diperoleh agak memberangsangkan. Bagaimanapun, kios Perfectto Coffee masih menumpang ruang di dalam kedai milik rakan di kompleks itu.

"Insya-Allah, saya bakal membuka kedai sendiri apabila permohonan kepada Pusat Pembangunan Keusahawanan Dan Kebolehpasaran Graduan (CEM) UPM men-



Pengalaman bekerja sebagai barista banyak membantu Adee Nadia Deelaila.

dapat kelulusan tidak lama lagi," katanya.

Beliau yang meyakini potensi besar Perfectto Coffee juga merancang menambah kios di bebe-

rapa fakulti UPM, selain melebarkan sayap perniagaannya ke universiti lain, sekali gus membuka peluang pekerjaan kepada mahasiswa lain.

Perfectto Coffee mendapat sambutan menggalakkan.

